

熱症論治

夏至前發爲溫症。夏至後發爲熱症。二症有因冬時伏寒有因暑時乍感其冬月傷寒至春夏變爲溫熱者邪有淺深則發有遲速。柯韻伯曰。凡病傷寒而成者。根實種於鬱火。其人腎陽有餘。好行淫慾。外傷於寒。虛陽陷入陰中。冬不遽發。寒日少而蓄熱淺。則陽火應春氣而病溫。寒日多而鬱熱深。則陽火應夏氣而病暑。沈芊綠曰。春溫有不盡由伏寒。由現感春時之邪。而病亦名溫者。夏熱有不盡由伏寒。由現感夏時之邪。而病亦名熱者。皆自內達外。無表症。若有表症。必溫病時之邪。而病亦名熱者。皆自內達外。無表症。若有表症。必溫病以黃芩湯爲主方。因春溫之發。當少陽司令也。熱病以白虎湯爲主方。因夏熱之發。當陽明司令也。且熱甚於溫。必以白虎湯重爲肅清。以其時方炎暑。其症不惡寒。反惡熱。自汗而渴。脈洪大。故以石膏之辛寒。清胃腑蘊蓄之熱。以知母之苦寒。淨少陽伏邪之源。

以甘草粳米之甘平保肺胃之氣而熱可除也。若舌上胎滑者，齒

有表邪。梔子豉湯主之。若渴欲飲水，口乾舌燥者，熱在裏，必耗津。人參白虎湯主之。

之如惡熱煩渴，腹滿舌黃燥，或乾黑者，宜下。涼膈散承氣湯熱兼暑淫者

涼膈散。合天水散。小便不利者。竹葉石膏湯。其感夏令之邪，當時即發者，邪由

口鼻吸入，治在手經，不當用足經方。其法與前乍感溫症條同參。

方見溫症

蘇頌論

熱

姪

夏至後伏氣自裏而發熱渴心煩頭汗氣促舌灰疹現厥逆
譫語脈濡數夫濡爲溼數爲熱裏邪蒸溼則爲頭汗溼邪鬱熱
則爲渴煩邪壅肺竅則爲氣促爲紅疹心包則爲譫語爲舌
灰其手足厥逆乃熱深厥深誤用風藥升舉助邪遂致暈厥無
寐躁擾宜清營中伏邪犀角汁羚羊角丹皮鮮生地鮮藕元參
茯苓赤芍日再服汗透脈和諸症悉退調理得平

族女熱症脈緩而濡溼甚於熱頭暈目瞋痞痞齒燥胸腹滿痛溼
蒸爲熱小溲赤濇三焦皆邪勢瀾漫疔疹現肢厥急須透解勿
使熱釀溼痰蒙蔽膈中致成內閉危症所用枳椇墮損胎元柴

葛乃傷寒足經藥與三焦無涉醫不中窵焉望獲效通草豆豉
羚羊角萸霜麥冬連翹牛蒡山梔赤苓燈心鮮蘆根二服熱勢
退手足和去通草香豉羚羊連翹蒡梔加鮮生地鮮石斛沙參
象貝黃芩以防熱邪內陷兼以護胎數服汗解而愈

幼孫晡熱頭暈汗渴煩躁脈洪數用大劑白虎湯加羚羊角一啜
汗透而愈

姪少陰伏邪內發壯熱煩冤頭目如蒙耳聾舌尖絳唇紫口乾
手心如烙脈浮洪溢指外右尤甚交巳午刻症重初用辛涼以
泄衛熱如薄荷露甘菊竹葉杏仁梔皮豆豉之屬頭目畧清微
汗不徹脘痞痰沫用疏利以滲痰溼如枳殼大貝萸霜通草蘆

根燈心之屬痰稀溺爽而臂膊紅疹隱現胸背全無再加清透
之品如赤芍丹皮連翹牛蒡青蒿麥冬之屬疹雖淡而舌心灰
膩舌尖紅暈必心胃火燔用導赤散加石膏午前服向晚防其
邪入心營用透營救液法如犀角尖磨汁鮮生地鮮石斛元參花
粉丹皮沙參之屬舌色未退轉益乾燥脈洪長防其入腑急用
涼膈散芒硝改元明粉
去甘草大棗得便二次裏結乍通熱勢較退而神迷

昏寐脈數譫語乃熱爍心包慮其蒸痰內閉用犀角汁下至寶
丹及牛黃清心丸以宣竅驅熱數脈減再用清鎮神明佐豁痰
通絡如血珀石決明茯神羚羊角象貝杏仁竹茹夜交藤通草
之屬神識稍清脈仍浮大已午爲甚額顙疹現喜其邪從外解

再與清透用茅根梨藕汁服明早浮脈稍斂灰舌轉潤決其陽
極於午必俟夏至陰生陽退乃冀轉機且舌尖暈痕未消溺後
色變渾濁用黃連人中黃山梔赤芍麥冬之屬加六一散冲服
微汗脈平身始涼解乃用燕窩湯及粥飲調理漸次培養胃陰
得安

此症乃熱兼疫邪

余於丙夏因診視時邪染恙寒熱脈浮大服梔豉葱白湯胸背汗
三日後熱甚渴煩少寐舌胎黃變黑服犀角羚羊角竹葉蘆根
藕蔗諸汁熱稍平逾夕復壯熱語譫神昏服至寶丹分鮮菖蒲
根汁下神稍清又用前各汁加洋參鮮生地象貝龜版青蒿連
翹滑石清營滋液耑驅痰熱兼瀉三焦舌黑頗淡但汗出微涼

汗收仍熱脈數氣麤煩擾竟夕又服至寶丹

分半

神未定直視氣

促再服前丹

二分半

昏睡進洋參湯汗出熱退但舌心乾用石膏

煎清胃加梨藕汁稍津潤逾日目赤舌再灰黑神再煩擾改服

牛黃清心丸

二分

橘紅湯下得寐尚服洋參藕蔗汁麥冬橘紅湯

寐熟熱輕再啜洋參湯汗出涼解越五宿欲大便以蜜煎導當

夜感寒復熱舌胎如粉吐痰欲嘔此爲復感用半夏麴杏仁茯

苓紫蘇薄荷佩蘭葉加薑熱未退口燥脈數煩擾不寐再服牛

黃清心丸

五分

犀角

汁磨

冲服逾日大汗如雨乃涼然已兼旬外矣

此案芝本日記附誌之見熱邪之劫燥津液甚熾也憶是夏坐

臥樓窗吸受暑喝更加傳染病中苦熱見曦炎出如膏自焚口

占七絕日十餘首有自笑吳牛喘明月簷梢怕見石榴紅之句
左氏謂明淫心疾良不予欺



南京中医药大学图书馆藏

暑症論治

冒暑 暑厥 附 伏暑

傷暑 暑瘵

中暑 疰夏

中暈 溼溫

夾暑 暑瀉

暑風 暑瘍

暑為陽邪。感之者。從口鼻吸入。先阻上焦。氣分則為頭脹。眩暈。漸

至面垢舌胎。煩渴自汗。

熱則氣泄。

或嘔惡。腹痛泄瀉。肢冷倦怠。少神經

所謂熱傷氣也。仲景言傷暑脈虛。夫肺主氣。夏火鑠金。則肺傷而

氣虛。心主血。暑先入心。則煩汗而脈虛。此千金生脈散。所以重保

肺而清心也。經云。因於暑。汗煩則喘。渴靜則多言。蓋暑內擾於營。

則汗上迫於肺。則喘。內干於心。則言多。知暑邪始傷肺。繼傳心胞。

也。節齋曰。夏至後病。熱為暑。相火行令。人感之。自口齒入。傷心胞。

絡經。煩渴而熱。頭疼自汗。甚者火熱制金。不能平木。搖溺不省。

人事。名曰暑風。張兼善曰。清邪中上。濁邪中下。其風寒溼皆地之

氣係濁邪。所以俱中。足經惟暑乃天之氣係清邪。所以中手少陰。



中國醫藥大學圖書館藏

心經。暑本屬火。而兼風寒。溼燥。其傳變為瘧痢霍亂。而條其淺深同。

異變症。則有冒。有傷。有中。有中。喝。暑風。暑厥。暑瘵。溼溫之不同。其

感而不即病者。至秋時為伏暑。其候寒熱濕悶。午後為甚。日暮更劇。得汗則減。治不合法。熱熾則傷。

陰化燥。溼滯則傷陽。化濁以致。神昏內閉。脘痞肢厥。斯危候矣。葉香巖宗河間三焦立法。在上以

辛涼清解。如竹葉連翹杏仁薄荷。梔皮鬱金沙參鮮荷葉。在中以辛苦宣通。如半夏瀉心湯之屬。在下

以溫行寒。性質重開下。如桂苓甘露飲之屬。此治三焦之大旨也。更宜細

審。耶在氣分。營分。治氣分有寒溫之別。寒則宗白虎湯及天水散。溫則從二陳湯及正氣散。

理。營有清補之宜。清則犀角地黃湯。加入心之品。補則如三才湯。人參固本丸。復脈湯。又如濕熱沈

混。宜蒼朮。石膏湯。氣血兩燔。宜玉女煎。宜閉逐穢。宜至寶丹。牛黃丸。紫雪等。扶虛養正。如參

及兩儀膏。隨其變幻。審其陰陽而治。要得矣。

冒暑腹痛水瀉。係胃與大腸受之。香薷飲。惡心者。胃口有痰飲也。香薷飲。

消暑丸。此暑病之輕者。

傷暑

由靜而得之陰症也。

傷暑則暑邪傷及肉分。

納涼廣廈。起居不時。惡寒肢

厥。面垢煩躁。汗出脈虛細。

清暑益氣湯。

或過襲陰涼。惡寒頭痛肢體

拘急。膚熱無汗。脈弦緊。

消暑十全散。

或外感暑邪。內傷生冷。腹痛吐

利。

正氣散。

身熱煩渴。小便不利。乃溼盛而氣不施化。

益元散。

煩熱

頭痛燥渴。乃溼蒸而熱耗津液。

麥冬湯。此暑病之稍重者。

中暑

由動而得之陽症也。

中暑則暑邪傷及藏腑。

夏日遠行。陽氣內伏。熱舍於

腎。水不勝火。煩渴喘促。猝然昏暈。

用蒜搗汁。和童便灌下。

待甦醒後。隨症

用藥。

麥冬湯。或人參白虎湯。

忌用香薷辛溫之品。

香薷飲可治傷暑。不可治中暑。此暑病之尤

重者。

中。行旅農夫。日中勞役。忽頭痛壯熱。汗泄肌肉如火。大渴引飲。無

氣以動。乃熱傷元氣。

益元散。白虎湯。或清暑益氣湯。

若吐瀉脈沈微。不宜用涼

藥。

六和湯。大順散。脈虛身熱。得之傷暑。脈盛身熱。得之中喝。此暑與喝微有辨也。

內傷。夾暑。

暑月房勞兼膏粱。水果雜進。致陽氣不得伸越。脈沈細。或弦

緊。面垢無汗惡寒。四肢厥逆。拘急霍亂嘔吐。

冷香飲子。

或吐利兼作。

脈微欲絕。急宜

漿水散。

溫之。又有暑痿症。暑月膏粱之人。陽事頓

痿。不可全用熱藥。亦不可全用涼藥。

黃連解毒湯。合生脈散。

暑風。

因病暑。忽手足搐搦。昏迷不醒。脈浮虛急。

先以溫水化蘇合香丸灌之。

俟醒

再用藥。

黃連香薷飲。加羌活大效。

此因痰火鼓風蒙蔽心胞。若嘔吐。

前藥加陳皮藿



香

小便不利。加茯苓猪苓澤瀉滑石。痰多。加石菖蒲薑汁。口渴。去半夏加花粉。瀉利。加粳米。

轉筋。加木瓜。腹滿身重難以轉側口不仁面垢譫語遺尿此熱邪

喝也。白虎湯。

暑厥中暑手足逆冷。二香散或人參羌活散合香薷飲。有熱深厥亦深煩躁昏冒便

秘溺赤脈沈滑而數者。大小承氣湯加減。有溼熱沈混者。蒼朮白虎湯加滑石。若

寒厥脈微者。理中湯四逆湯加減。

暑熱劫陰欬血吐血。大味湯加阿膠麥冬丹皮或杏仁西瓜翠衣竹葉鮮石斛。

夏月患頭痛足軟食少體羸倦怠嗜臥五心煩熱多屬元氣不

足。補中湯去升麻加半夏。肺胃陰虛。生脈散或加玉竹。甘潤之

品。白芍薏米五味子沙參。



溫溼

其人傷溼。因而中暑。兩脛逆冷。胸滿頭重。妄言多汗。脈陽濡而

弱。陰小而急切。不可汗。汗之必死。蒼朮白虎湯。又有冷水澡浴。致暑

溼相搏。一身盡痛。自汗發熱。五苓散。若冒暑作勞。乘汗浴身。

痺如針刺。間有赤腫處。或發水泡者。六和湯。加蒼朮。荆防。

暑瀉

暑傷腸胃。或挾食挾溼。煩渴溺赤。腹痛陣瀉如水。桂苓甘露瀉。

久者。玉龍丸。暑傷心脾。嘔瀉浮腫。霍亂轉筋。六和湯。暑熱引飲過多。

致水暑交併。上吐下瀉。解暑三白散。傷暑吐瀉兼煩亂。香櫟飲子。脾胃停

積冷溼。致成吐瀉。大順散。若盛暑傷於外。陰冷傷於內。內外受迫。

連理湯。桂苓丸。縮脾飲。

暑瘍

暑月頭項赤腫。咽喉腫痛。或腿足焮腫。長至數寸。不堪步履。日



夜發熱。敗毒散。熱解。腫自消。暑瘡發泡。由溼熱入經腠。黃連解毒湯香薷飲。

伏暑秋發為伏暑。初由口鼻吸受。繼而內結募原。至伏邪為新涼引。

動。頭痛。脘悶。漸至唇燥。齒乾。烈焰內燔。陰津消灼。內熱煩冤。忽然鼻冷。氣

窒。夫暑穢熏蒸。則為粘涎。遏鬱。則為厥冷。得汗則涼。然有一厥

而熱。便得汗解者。有再厥。三厥。四厥。而熱。但頭汗出者。有四末

不和。身溫而躁擾益甚者。蓋邪伏募原之裏。熱內結。外反不熱。

仲景所謂熱深厥亦深也。若用苦寒直降。竟走腸胃。與膈上結。

邪無干。宜。山梔石膏天冬淡竹葉。枳壳栝蘆鬱金汁等味。若初但氣分阻痺。手太陰肺。宜治

上焦。宜。杏仁貝母薄荷薏米滑石。通草半夏橘皮厚樸等味。若由氣分延及血分。神呆舌

縮。鼻燥唇血。邪已逆走膻中。包絡心主。既入營絡。神識漸昏。內閉外

脫危期至速急宜

石菖蒲犀角尖磨汁連翹元參鮮生地金銀花露等或芳香逐穢宣竅

如藿香佩蘭鬱金牛黃丸至寶丹紫雪等

若熱痰粘膩用竹瀝貝母橘紅栝蒌花粉沙參甘草蔗梨汁俱可

選用最忌脈象濇數正虛邪陷手足厥逆神昏液涸若溺短白

利潮熱不解中下焦均受或參用

六一散四苓散然總以清理上中焦

為要

治暑喝汗液大泄中氣先傷雖有膈滿潮熱最忌攻下以無形之

熱不能隨藥攻散也雖有頭額重痛最忌發汗以表藥皆能升舉

痰食濁氣支撐膈上也

許學士治溼溫病胸項多汗兩足逆冷謔語其脈關前濡關後數

此先受暑後受溼暑溼相搏

濡弱見於陽部溼氣搏暑也小急見於陰部暑氣蒸溼也許氏以關前為



陽關後爲陰。紀氏以浮爲陽。沈爲陰。是名溼溫。先以白虎加蒼朮湯。頭痛漸退。足

漸溫。汗漸止。三日愈。

孫兆治溼溫病。遍身皆潤。兩足冷。腹滿。不省人事。脈小弱而急。以五苓散合白虎湯十餘劑。少甦。更與清燥湯調理而安。凡陰病厥冷。脛臂皆冷。今脛冷臂不冷。故知非下厥上行。是陽微寒厥。而合用祛熱藥也。

張石頑曰。中暈用白虎湯。熱傷氣之治也。用人參曰虎湯。兼傷無形之氣也。中暑用生脈散。暑傷無形之氣也。用清暑益氣湯。暑傷於氣。兼挾風熱。乘虛傷其經也。傷暑用十味香薷飲。風熱溼合而傷形氣也。偏於表則變香薷飲爲消暑十全。偏於裏則變香薷飲

